



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm XX. Super literis.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

cius hic n. 2. Quod excipiens de taciturnitate veri, teneatur illud probare secundum tempus; Vid. statutum de certo numero extitisse tempore impetrationis: Siquidem agens, aut excipiens probare tenetur asserta cum omnibus qualitatibus, sine quibus intentio sua subsistere non potest.

7 Eadēmque ratione ut rescriptum obreptitium non sit propter expressionem falsi, necessariū est, narrata in referipto seu iustitiā, seu gratiae aut dispensationis, vera fuisse tempore impetrationis, seu data literarum, sicuti habetur in cit. c. quia circa 6. de consang. & affin. vbi causa ad dispensandū in consanguinitatis impedimento, videlicet proles nata, quæ Pontifici proposita erat, falsa dicitur; cum an se dispensationem obtentam, viam fuerit viae sa carnis ingressa. Videri potest P. Sanchez lib. 8. de matrim. disp. 30. n. 4. & n. 5. vbi admonet Ordinarios & Confessarios, quibus dispensationes à Sede Apostolica committuntur, ut precum veritatem cautè examinant: quia sacerdotē contingit, ut ea exsistere incipiatur post concessionem Romæ factam: Ut si allegetur, feminam famae iacturam passam esse ex frequente cum viro, cui nuptura est, conuersatione; infamia autem non nisi post tempus datæ dispensationis orta sit. Qua de re egi etiam in Theol. moral. lib. 1. tract. 4. c. 22. q. 2. Hic autem adiungo; Considerandum esse formam literarum, seu commissionis: quia interdum expediens sive mittens literas ipsomet non dispensat, sed iubet Commissarium dispensare v. g. super impedimentoo matrimonij, si persona vere pauperes sint; & rationabilis causa virgeus, videlicet scandalum, infamia, loci angustia, aut alia similis, tunc sufficit causas subsistere tempore dispensationis à Commissario faciendæ, argum. c. ei. cui, 29. de præb. in 6.

NOTANDVM V. circa verba, quidquid factum est occasione literarum, irritum decer-
8 nat. Si rescriptum gratiae, seu beneficiale, propter obreptionem in parte eius principali irritum sit, etiam pars accessoria celeri debet irrita. Ita notavit Abb. hīc n. 5. Dec. n. 2. & allegatis his verbis c. Sanchez lib. 8. de matrim. disp. 21. n. 6. Nam principalis intentio.

Papæ fuit mandare, ut Pancratius in canonum recipereetur; quia vero Canonicus præbendā diu carere non debet, adiecit, ut si aliqua vacaret, vel proximè vacatura esset, eidem conferretur: Cum itaque principalis pars rescripti, propter tacitum statutum de certo numero canonicorum obreptitia fuerit, etiam altera pars de præbenda seu redditibus ipsi assignandis, & quidquid occasione literarum actum fuit, corruere debuit. Dixi de hoc in simili c. cum adeo 15. hoc tit. in fine, & videri possunt, quæ dicam c. ad audienciam 31. infra, eodem.

CAPITVLVM XX.

Super literis.

PARAPHRASIS.

Dubium ortum fuit, quidam sentiendum sit de literis à Sede Apostolica impetratis per taciturnitatem veri, aut per suggestionem falsi. Et alij quidem sentiebant tale rescriptum omnino irritum esse, ut impetrans nullum ex eo commodum percipere posset. Alij autem dicebant, licet secundum formam à Pontifice præscriptam, quippe subreptitiam procedi non debeat, tamen iudices delegatos causam cognoscere, & sententiam ferre posse secundum formam aut ordinem iuris communis. Ad hanc dubitationem Resp. Innoc. II. distinguendum esse, utrum literæ cum taciturnitate veri, & suggestione falsi impetratae fuerint per malitiam & dolum impetrantis; an vero per simplicitatem ac ignorantiam. Primo casu in poenam delinqutatis omnino irritæ censi debent literæ, ut postquam iudici dölus sufficienter demonstratus fuerit, supersedeat causa illius cognitione. In altero autem casu iudex attendere debet, num Papa, si falsitas suggesta non fuisset, aut veritas non occultata, nihilominus literas dedisset, licet non tali forma ac modo, tamen secundum formam iuris communis, tunc iudex nihilominus causam cognoscat secundum iuris

Iuris communis ordinem: An verò nullas omnino literas Pontifex dedisset; tunc iudex delegatus procedere non potest, nisi fortasse, ut partibus conuocatis cognoscat de qualitate & modo subreptionis, & utrum ea fuerit ratio imprestationis literarum; ita ut Princeps causam nullo modo delegasset, si veritatē cognouisset, tum etiam iudex cognitionis officium nullo modo impendat. Sin verò Princeps nihilominus causam delegasset, licet non tali forma aut cum talibus clausulis, tunc iudex cognoscat absque eiusmodi specialet præscriptis formis, sicuti ius comune & ordinarium requirit.

S V M M A R I V M.

1. *Rescripta iustitia sub-vel obreptitia sunt, vel per taciturnitatem veri, vel per suggestionem falsi ad rem intrinsecè pertinentia.*
2. *Utraque obrepicio accidit, aut fraude sive ex malitia, aut ex simplicitate ignorantia: in priori totum rescriptum fit irritum; non item in posteriori.*
3. *Si Princeps cognitione veritate aut suggestione falsitate penitus non dedisset rescriptum, vitiatur rescriptum propter obreptionem, cuiuscunque dolo aut culpare vel etiam sine culpa contigerit.*
4. *Et hoc non tantum locum habet in rescriptis iustitia, sed etiam in rescriptis gratia, & literis beneficialibus.*
5. *Judex delegatus debet conformare processum voluntati & intentioni delegantis.*
6. *Circa legum ciuilium intellectum etiam in materia politica si diuersae sint DD. sententia, Pontifex decidere potest, & clara Iuris Canonici decisioni in vitroque foro standum est.*

NO T A N D U M I. ibi: tacita veritate, vel suggestione falsitate. Rescripta iustitia duas ob causas subreptitia, seu obreptitia sunt, Primo per taciturnitatem veri ad rem per se, sive intrinsecè pertinentis; Secundo per suggestionem falsi, itidem intrinsecè ad rem spectantis, prout etiam colligitur ex l.

2. C. si contra ius &c. Idemque locum habet in rescriptis gratiae, aut beneficialibus, prout ex communi docet P. Thom. Sanchez lib. 8. de matrim. disp. 21. n. 2. & seqq. Ratio est: Quia rescripta pendent ex voluntate iurisdictionis mandantis: gratiam, aut beneficium conferentis: Duo autem sunt, quæ voluntarium tollunt; & consequenter concessionem, aut mandatum, vel saltem formam, modumque eius irritum, vel infirmum reddunt; ignorantia veri dissimulati, & persuasio falsi suggesti.

Dixi autem id locum habere, si veritas dissimulata, aut falsitas expressa in rescripto sit rei per se & intrinsecè pertinentis ad negotium; quia si tantum extrinsecè, & per accidens se habeat, non vitiabitur rescriptum, sive id iustitiae, sive gratiae sit; tametsi Princeps, si veritatem cognitam habuisset, rescriptum non dedisset. Exemplum est: Si ponamus, in Curia aliqua odium conceptum esse aduersus Belgas, v.g. Tum si Titius Belga rescriptum impetrat, dissimulans se Belgam esse; aut dicens, ex Moguntia se oriundum, non vitiabitur propterea rescriptum; tametsi fortasse si Belgam se esse confessus fuisset, illad minime obtinuisse; quandoquidem, ut ponimus, circumstantia haec, num impetrans Belga sit, an ex superiore Germania oriundus, ad causam sive rem, de qua agitur, per se nihil attineat.

Vterius, tametsi veritas occultata, aut falsitas expressa ad rem per se & intrinsecè pertineat, si tamen ea non fuerit causa finalis & principalis facta concessionis, sed impulsu tantum; quia sine ea, adeoque peripherita veritate, Princeps idem, eademque formam mandasset, aut concessisset, esto, fortasse difficultius, non debet rescriptum obreptitium censeri, ut ex probabiliore docuit lib. 1. moral. Theol. tr. 4. c. 22. n. 20. & tradit Sanchez cit. disp. 21. n. 17. 32. Nam falsitas causæ impulsu voluntarium non tollit: quandoquidem ea animum non mouet ad dandum absolute (siquidem etiam eam remota daretur) sed ad dandum libertius, citiusque. Quia de re videri potest Alex. de Neuo in c. 3. de confirm. utili vel inutili.

Porro quibus in casibus res ita compara-
ta sit, ut Princeps nihilominus concessisset,
id vir prudens arbitrabitur, considerato sty-
lo seu consuetudine Curiæ, negotij qualitate
& circumstantijs, prout allegato Lapo alleg.
89. docet Matth. de Afflct. decif. Neapol.
106.n.4. Sanchez n.19. Vide etiam, quæ di-
centur in c. postulaſti 27. hoc. tit.

N O T A N D V M II. circa §. *Nos igitur,*
Obreptio tam per taciturnitatem veri, quam
per suggestionem falsi, duobus modis acci-
dit; Aut fraude, siue ex malitia: Aut ex sim-
plicitate ac ignorantia: Vbi nomine igno-
rantiae, etiam crassam intelligere debemus;
dummodo non sit ingens temeritas, ait San-
chez n. 66. & colligitur ex textu c. quando
ignorantia fraudi opponitur ac malitia, quæ
scientiam requirit & propositum circum-
ueniendi saltem virtuale aut implicitum.

Discrimen autem inter obreptionem do-
losam, eamque quæ ex ignorantia fit, pon-
tur in textu; Quod in priore, totum rescri-
ptum, seu circa omnes eius partes irritum
fiat; ita ut Iudex ne quidem secundum formam
iuris communis, de causa principali
cognoscere debeat; esto Princeps, etiam se-
motâ eâ obreptione dolosâ, dedisset nihilominus
rescriptum, licet non eâ formâ, sed secun-
dum terminos iuris communis. At ve-
rò in posteriore caſu, locum habere debeat
ea distinctio, vt, si Princeps, non interueniente
obreptione, dedisset rescriptum, quam-
uis non in forma speciali, Iudex procedere
possit secundâ formam communem; no
autem, si Princeps nullo modo dedisset,

Vt hæc res, quam variè disputando inuolu-
unt interpretes hic, clarius intelligatur, im-
primis affero exemplum ex Abb. hic n. 2.
Titius à Papa (vel in inferiori Ordinario,
videtur enim doctrina huius c. etiam huic
applicari posse, teste Sanchez n.4.) impe-
travit literas contra debitorem suum, falso
allegans, in ciuitate sua consuetudinem esse,
vt lites summiarie & de plano, non autem
obseruato iudicario ordine, cognoscantur;
Propterea Papa, causam cuidam commisit
Iudici, adiiciens, vt summiarie & de plano
procedat. Tum distinguendum, num impe-

trans sciens & volens falso allegarit; an
verò per ignorantiam. In posteriore hoc ca-
ſu procedere debet iudex secundum formam
ordinariam, seu communi iure obseruari so-
litam; saltem si aduersarius voluerit. At ve-
rò in priore caſu integrum rescriptum e-
uerti potest, vt iudex à cognoscenda causa
desistere debeat.

Nunc verò aliqua declaranda sunt: I.
Quod rescriptum iustitiae vel omnino, si do-
lo impetratum sit; vel secundum partem cor-
ruere debeat, si per ignorantiam obreptio
interuenit: intelligi debet, dummodo pars
aduersaria excipiat seu opponat de subre-
ptione, vti ex communi docet Anton. hic
n. 13. 15. 20. Imola n. 5. Abb. n. 5. Sanchez
n. 76. post Gl. ver. nullatenus, Idq; sumitur
ex textu c. ver. postquam iudici super hoc fa-
cta fuerit fides: videlicet per probationes ad
instantiam partis opponentis obreptionem;
Aut si ex euidentia facti obreptio notoria
sit, iuxta doctrinam Gl. in l. 1. C. Qui & ad-
uersus quos restit, ver. in confil. ibi Baldus
n. 7. Gaill lib. 1. obf. 3. n. 4. quod iudex sup-
plet in facto, si notorium sit, etiam non pe-
tente parte. Itaque acquiritur delegato iu-
risdictio, vt procedere possit, donec obre-
ptio notoria fiat in processu; deinde verò
supercedere cogitur, vel omnino, vel secun-
dum formam eam specialem, qua propter
obreptionem praescripta fuerat, vt supra ex-
plicatum.

II. Quod propter commissum dolum,
Iudex penitus supercedere debeat, tametsi
Princeps rescriptum dedisset in forma com-
muni, si dolus non interuenisset; id non est
ex natura rei, sed poenæ loco constitutum,
vt colligitur ex verbis c. in sua peruerſitatis
poenam. Ex quo primò infert Sanchez
cit. disp. 21. n. 71. post Decimum super hocc.
in mea edit. in 6. Si partes rescripti sint pe-
nitus separate, videlicet super diversis negotijs
aut causis: subreptionem ex dolo seu men-
dacio contingentem in una parte, nihil no-
cere alteri parti. Censentur enim veluti duo
rescripta: Et cum constitutio huius c. poe-
nalis sit, extendi non debet; sed adhaeren-
dum regulæ iuris 37. in 6. Visile non debet
per

per inutile vitiare. Idque sumi videtur ex c. si eo tempore 9. hoc tit. in 6.

Secundò infert idem Sanchez n. 67. Si non ipse impetrans, sed sollicitator aut Curialis dolum commisit, ut rescriptum obreptitiè emanaret, non esse locum poenæ; vt videlicet totum rescriptum irritum sit, etiam si Papa nihilominus rescripsisset, sed non secundam eummodum.

3. Cæterum, si Princeps cognitâ veritate, aut suggestâ falsitate penitus non dedisset rescriptum, vitiatum rescriptum propter obreptionem, cuiuscunque dolo aut culpâ, vel etiam sine cuiusquam culpa contigerit; quia deest voluntas committentis; dummodò res quæ tacetur, aut falso narratur, per se, sive intrinsecè ad negotium pertineat, sicuti suprà explicauit.

4. III. declarandum, Tametsi textus huius c. loquatur tantum de rescriptis iustitiæ, locum tamen etiam habere debet in literis gratiæ, ac beneficibus, vti hic docet Abb. n. 2. 5. 6. & 17. Decius n. 5. & ait esse communem Sanchez n. 54. Quare & in his distinguendum est, dolone an per ignorantiam obreptio contigerit; & si per ignorantiam, an Princeps nihilominus eandem gratiam dedisset secundum substantiam: Sin autem dolo, vtrum pars rescripti, in quo dolor commissus, cohærens sit cum altera parte, an verò penitus separata, tunc enim pars gratiæ concessæ, in qua dolus admissus non est, non vitiabitur, donec per Iudicis sententiam, in poenam, rescindatur. Exemplum huius rei attuli in Theol. moral. lib. 1. tr. 4. c. 22. n. 25. de eo, qui dispensationem in votu castitatis impetravit, ad ducentam consanguineam, allegata causa incontinentiæ suæ, quæ verè suberat; & allegata causa, quæ penitus falsa erat, quod ea alium maritum conditioni suæ parem reperire non posset: Hoc in casu dispensatio super voto, constet, at verò dispensatio super matrimonio contrahendo irrita erit; & quidem ipso iure: Hoc enim discrimen semper suppono inter rescripta gratiæ, & rescripta iustitiæ; quod illa per obreptionem irrita siant ipso iure; haec autem ope exceptionis, sicuti suprà di-

xii in c. si autem 9. hoc tit. & tradunt DD. communiter apud Sanchez cit. disp. 21. n. 3. & n. 54.

Doctrina autem huius tertij declarandi partim sumi debet ex eo; quia si rescripta iustitia propter subreptionem irrita seu infirma redundatur, multò magis rescripta gratiæ, ac beneficia; quippe cum hæc longè facilius infirmentur, prout Abb. annotauit n. 5. Decius n. 5. Partim verò ex eo, quod distinctione illa, ut attendamus, num Princeps nihilominus gratiam concessisset secundum substantiam, necne, est ex rei natura; adeò ut tametsi hoc c. non emanasset, ita distinguere oportuerit.

I V. declarandum; Cur aliquoties dixerim, ad irritationem rescripti seu iustitiæ, seu gratiæ, referre, num Princeps, etiam cessante obreptione, eandem in substantia gratiam concessisset, aut rescriptum dedisset, necne. Si enim non eandem rem, eandemque gratiam concessisset, aut mandasset, sed aliam, adeòq; rescriptum aliud fuisset in substantia, irritum erit, quod impletum est. Exemplum affert hic Innocent. ver. in communia forma, vers. Et nota quod generaliter, Abb. n. 3. in fine, Titius impetravit rescriptum contra Caium debitorem suum per ignorantiam seu obliuionem, ex causa multui; postea coram iudice delegato libellum format ex causa empti ac venditi: Hoc in casu iudex procedere non potest, ne quidem secundum formam iuris communis: quia causa, quæ proponitur, secundum substantiam alia seu diuersa est ab ea, quæ comprehenditur verbis rescripti. Similis casus circa materiam beneficiale habetur in c. susceptum 6. hoc tit. in 6. eumque explicabo infra in cap. significante 34. hoc tit. Ratio huius doctrinæ seu declarationis ea est, quia exinde quod de alia re Princeps scripsisset, seu aliam rem concessisset, si obreptio non interuenisset, non sequitur, quod eam concesserit, aut pro ea scriperit; sed potius contrarium; quia conditio non ponit rem in esse. Secùs autem, si eandem rem in substantia, etiam sublatâ obreptione, absolute manasset aut concessisset: tunc enim adest absolutione.

soluta voluntas Principis; licet non secundum eum modum seu circumstantias, secundum quas propter errorem rescripsit.

5. NOTANDVM III. circa finem c. *Eadem ratio qua delegantem &c.* Iudex delegatus debet processum suum conformare voluntati ac intentioni delegantis, cuius vi-ces agit, & a quo iurisdictio eius dependet, prout Abb. hic docet n. 3. Decius n. 4. & colligitur ex c. isto verbis allegatis, quando dicitur: post cognitam obreptionem, si appa-reat, quod delegans literas nullas dedisset, si obreptionem sciuisse, quod etiam iudex nullatenus procedere debeat: secus, si dele-gans dedisset literas, saltem secundum for-mam communem: tunc etiam iudex ita procedere debet.

NOTANDVM IV. ex tota huius c. de-cisione, maximè ijs verbis in principio po-sitis, diuersos intelleximus diuersa sentire; **6.** Si circa legum ciuilium intellectum, etiam in materia politica, diuersa sint Doctorum sententiae ac intellectus, Pontifex decidere potest; ita, vt utroque foro claræ iuris cano-nici decisioni inhærendum sit. Ita docui etiam suprà in c. 1. n. 9. de Constit. & hic tradit Anton. n. 11. Imola n. 1. Abb. n. 3. Hieron. Scharpf cent. 2. consil. 7. n. 1. Orta autem fuerat inter Legistas controuersia ex dua-bus legibus, quæ inter se videbantur con-traria, vid. l. 2. & l. etsi legibus 5. C. si contra ius, Nam in priore dicebatur, præscrip-tione seu exceptione facta obreptione im-petrati rescripti, iudicem de exceptione co-gnoscere debere; & iuxta eam cognitionem, de causa ipse sententiam ferre. At verò in l. posteriore habetur, vt mendax prelator carreat penitus impetratis.

CAPITVLUM XXI.

Edoceri.

PARAPHRASIS.

Literæ à Sede Apostolica impetratae sunt contra Abbatem Ordinis Præmonstra-tensis, ad quarum tenorem coram iudi-ce delegato respondere tengatur, sublatæ

appellationis remedio. Sed quia causa communis erat Abbatij & Conuentui, in literis autem Apostolicis nulla mentio fiebat Conuentus: ideo dubitabatur, an non Abbas appellare posset, si iudex de-clararet vigore literarum illum ad respō-dendum coram se obligari? Resp. Innoc. III. Abbatem (nisi alia rationabilis cau-sa ipsi suffragetur) non posse per appella-tionem subterfugere, quod minus coram iudice delegato respondere teneatur: pro-pterera quod ad ipsum propriè pertineat Congregationis suæ negotia procura-re. Secus tamen dicendum fore, si nego-tia Conuentus omnino separata sint à ne-gotijs Abbatis, vt ad illa administratio Abbatis se non extendat.

S Y M M A R I V M.

1. *Pralatus Regularis in causa ipsi & Conuentui Regulari communi conuer-nitur per rescriptum, in quo solet qui-dem fieri mentio Conuentus, non tamen necessariò.*
2. *Pralatus solus absque sui Conuentus consensu requisito agere per se, & Pro-curatorem (non tamen uniuersalem) constituere, cumque renuocare potest.*
3. *Administratio plena & libera, adeòq; etiam alio, & defensio in iudicio Pre-lato competit, tam in temporalibus, quam in spiritualibus.*
4. *Etiam Abbatissa & Priorissa habet li-beram administrationem rerum Mo-nastry: & licet iurisdictionis spiri-tualis capax non sit, tamen ex commis-sione ejus usum & executionem exerce-re potest in Moniales & Clericos be-neficarios, præcipiendo etiam in vir-tute obedientia.*
5. *Per consuetudinem tamen & statutum introduci potest, vt sàlem negotia ar-dua, gravisque momenti in Monaste-rijs Pralatus sine consensu, vel consi-lio Conuentus non expediatur.*
6. *Conuentui praesiducialia v. g. Monas-chorum receptio, non potest Pralatus agere*